



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

52. De capitaneo hæretico, qui monacho catholico mortem interminatus ad horam duodeciam, ipse ante illam ipsam horam admirabili casu confossus est.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

Anno Domini 1579. Amstelredami con-  
 tigit mulierem quandam Catholicam,  
 cuiusque coniugaram peperisse. Maritus Cal-  
 uinista voluit prolem ritu Calviniano, mater  
 vero Catholico more baptizari. Mater perti-  
 nescens maritum fore pertinaciorem, quàm  
 in vxoris desiderio cederet, ac tandem cernens  
 illum ad Calvinianum baptismum petendum ac-  
 cingi, festinauit maritum praeuenire, & ex-  
 temporaneo baptismate (quia aliter non po-  
 terat) prolem baptizauit. Pater huius facti ig-  
 narus, prolem ad Ecclesiam Calvinianam de-  
 fert vt baptizaretur. Præco Calvinista cum ad  
 baptizandum se componeret, diuino miracu-  
 lo obmutescit. Maritus rem totam secum ad-  
 mirabundus expendens, re infecta domum re-  
 greditur. Interrogat vxorem, quid egisset cir-  
 ca puerum. Illa confessa est, se eum baptizasse.  
 Ac tandem rem altius considerans, sicuti præ-  
 co ille diuina virtute repressus obmutuit, sic  
 iste, diuina gratia cooperate veterem errorem  
 omnem excussit, & ad Catholicæ religionis ob-  
 seruantiam rediit.

*De Capiteano quodam heretico, qui monacho Catho-  
 lico mortem interminatus ad horam duodecimam,  
 ipse ante illam ipsam horam admirabili casu con-  
 fossus est.*

## CAP. LII.

Cum oppidum motis S. Gertrudis in Bel-  
 gio à principe Aursico occupatum esset,  
 M m 6 captus

830 COLLATION. SACRA R.  
captus est, & in vincula coniectus D. Mathias  
Lyropius ordinis prædicatorum. Circa idem  
porro tempus milites regis Hispaniarum ce-  
perant quendam nobilem factionis Auricæ,  
quem se vita & libertate donaturum aiebant,  
si Dominicanus iste D. Mathias reciproco  
modo ab istis in libertatem restitueretur. Ca-  
pitaneus verò Catholicæ religionis hostis iu-  
ratissimus hæc audiens, proclamabat nullo pa-  
cto se monachum istum dimissurum, sed ante  
horam, inquit, duodecimam, si vixero, suspen-  
detur. Contigit eadem hora Regios Auricæ  
que milites configere, atq; Auracos succum-  
bere. Qua clade accepta, illi, qui ex prælio salui  
euaserant, in oppidū montis S. Gertrudis con-  
fugerunt, illarumque cladem vniuersam mox  
perfidia capitanei imputarunt. Ille metu pe-  
culsus, in penarium quoddam sese abdidit, v-  
bi à milite quodam Auraco deprehensus, eo-  
dem momento confossus est, sic contigit vt  
ad horam vsque duodecimam, qua fratri Do-  
minicano vitæ suæ terminum posuerat, ipse  
met superstes non esset, miraculosè quodam-  
modo sublatus, ne in opus impiè proferret,  
quod perniciosè erat minatus. Frater iste Ma-  
thias mirabiliter postea carceribus liberatus,  
etiamnum viuit, Busciducis in Brabantia de-  
gens, religiosè viuens, & frequētibus concio-  
(2. Mach. 9.) cū superbè locutus esset, se ven-  
turum

rum Hierosolimam, & cōgeriem sepulchri  
Iudæorum eam facturum, præciperetque ac-  
celerari negotium, currumque sine intermis-  
sione iuberet agitari (cælesti cum iudicio per-  
urgente) mox in eodem impetu de curru de-  
cidit, graui corporis collisione percussus, ac  
deinde vermibus de corpore toto scaturiantibus,  
scetidissima & horribili morte peregrè in  
mortibus interiit. Sic & Amon, (*Esther. 7*) in  
patibulum, quod Mardocheo crexerat, ipse sus-  
pensus est. Sed & Nicanor, (*2. Mach. 8.*) cū  
missus esset, vt vniuersum Iudæorum genus  
deleteret, triumphum canens ante victoriam,  
promisit se nonaginta Iudæos talento distra-  
cturum, non respiciēs ad vindictam, quæ eum  
ab omnipotente erat consecutura, Iudas enim  
Machabæus factus sibi adiutore omnipotente,  
interfecit de illius exercitu nouem millia ho-  
minum, maiorem autem partem vulneribus  
debilem factam fugere compulit. Pecuniis ve-  
ro eorum, qui ad emptionem ipsorum vene-  
rant, sublatis, ipsos vsquequaque persecuti  
sunt.

*De quodam heretico, in sacrum Ecclesia Kerpensis  
baptisterium oletum faciente, diuinitus excæcato,  
& mox capto ac suspensō.*

## CAP. LIII.

**C**um circa annum Domini 1579. oppidu-  
lum Kerpenense non procul à ciuitate Co-  
loniensi distitum, diuersis irruptionibus, nūc

M m 7

Sta-